

L'acusator veramente sia tenuto secreto, et haver debbi il terzo, sì delle veste, come de li ducati cento.

Li sartori o altri che facessero o lavorasseno ditte veste, o habiti, se sarano acusati, pagar debbino ducati 25 et star mesi 6 in preson serati; de li qual ducati 25, siano il terzo de l'acusator, et sia tenuto secreto. 57.

343\* *Sier Franciscus Foscari sapiens Consilii.*

Vol la parte hora letta *cum* questa addition, che *etiam* non se possano portar veste, nè vesture intagliate de alcuna sorte de panni de seta, nè pelize fodrate de lovi, zebellini, nè martori, nè *cum* garzi de le ditte sorte pellami, nè de panni d'oro. 136, 15, 1.

*Electi:* Ser Marcus Bragadenus.

Ser Troianus Bono.

*Refutavit:* Ser Antonius Gradonicus.

344 A dì 29. La matina vene in Collegio l'orator anglico, vene *etiam* l'orator di Franza per le pratiche presente.

*Di Roma, fono lettere di l'Orator nostro, dì 21.* Come la peste era quasi cessata. Il Papa havia mandato a dir a li cardinali che tornasseno a Roma, perchè il dì de Nadal voleva cantar la messa solenne. Scrive come era morto il cardinal Petruzzi senese a . . . . .

*Di Hongaria, di sier Lorenzo Orio dotor, cavalier, orator nostro, date in Boemia a Praga, a dì 10 di l'istante.* Come il Re dovea redur la dieta per le cose turchesche a . . . , e poi partirse e tornar in Hongaria. Scrive altre particolarità, et sollicita li sia dà licentia overo elezer il suo successor, etc.

*Di Bergamo, di rectori, dì 25.* Come 2000 fanti di quelli dil ducha di Milan erano partiti e tendono verso Toschana.

Da poi disnar, fo Pregadi, et non fu il Doxe, nè anche questa matina fu in Collegio per el stracho de eri; qual è di anni 88, e a tavola volse manzar di ogni cossa.

Et leto le lettere, fo chiamà il Consejo di X con la Zonta et stetenò fino a hore 2 di note a venir in Pregadi.

Et scrissero a l'Orator in Franza, che voy diligentemente inquirir in che termine se trova le cose del Re zercha la impresa de Italia et altro; et li scriseno altro *secretissime*.

Da poi introno in la materia de l'Imperador per risponder a quanto havia proposto lo Adorno, e vol dar le investiture per ducati 200 milia. Et fu posto per i Savii, atento la richiesta fata, sieno electi 3 di Collegio uno per ordine a praticar con li ditti oratori l'acordo, etc.

Et non volemo altre investiture, *solum quod possideamus illud quod possidemus*. Parlò sier Marco Foscari fo avogador, et prese un moschon zercha queste investiture, et li rispose sier Francesco Bragadin savio dil Consejo. Et fu presa la parte di largo.

Et fono balotati tutti li Savii e Consieri et li Savii di terra ferma, che entrino e non quei che compieno. Rimase sier Alvise Mocenigo el cavalier, consier, sier Zorzi Corner el cavalier, procurator, savio dil Consejo, sier Marco Venier dotor, savio a terra ferma.

Fu posto, per li Consieri, uno salvo conducto per mexi quatro in la persona a uno Zuane Imbestech de Viena, todescho, richiesto da soi creditori. Ave: 156, 52, 3.

*In questo Pregadi, fo letto lettere da Constantinopoli, di sier Andrea di Prioli baylo, di 6 Novembre.* Avisa il Signor turcho haver scripto de li se li mandi danari dil casnà et gente, et certa quantità de feltroni et grifi più numero fosse possibile a mandarli, per dar a le zente. Vol tenir l'asedio a Rhodi questa invernata.

Et licentiato Pregadi, *etiam* restono Consejo di X con la Zonta per . . . . .

In questa matina, si parti de qui domino Allobello di Averoldi episcopo di Puola, stato Legato in questa terra, va per governador a Bologna in luogo del vescovo di Rossi da Treviso, che vien al suo vescoado. Questo si parte con bona fama, tolse per avanti licentia da la Signoria in Collegio. Era molto destro.

*A dì 30 dito.* La matina, nulla fo da conto. Di Cypro si have, esser stà ferito in la panza sier Bernardo Marzelo di sier Lorenzo, hessendo in lecto, da uno zentilhomo nostro da cha' Donado da la *Becharia*, nominato sier . . . . . Et questo perchè ditto Marzelo el voleva ficher; sichè el stava a la morte.

Da poi disnar, fo Consejo di X con la Zonta, et se intese haver preso donar a domino Hironimo Adorno orator cesareo ducati 2000; qual ha fato bon officio a scriver a l'Imperador per la conclusion di lo accordo et habbiamo le investiture.

Ancora feno Capi del Consejo di X di Zener,